

孫頌院先生近著

黃山遊記
附詩

劉松生敬題



冬三
松生
印

地1823
923

自題黃山遊記用壺園舅氏別黃山韻
三十六峯險處奇茫茫塵世有誰知遊非霞客難爲記
才媿謫仙敢賦詩在昔烟雲勞夢想從今邱壑繫人思
我來已識桃源路猶恐山靈笑管窺



洞仙歌

投宿文殊院觀雲海
天都峯隱約可見攝
景於迎客松下拈此
自題頌陀
芒鞋竹杖又狂遊如
許偶向文殊院中住
萬山開幻境巖壑鋪
雲雲似海忽訝天都
指顧 古松忘歲月
閱盡滄桑道左迎人
甚情緒似笑客來遲
鎖住煙霞桃源裏儘
容仙侶怕斬我今生
老名山膽鏡裏風光
此行無負

望海潮

白雲無恙青山常在狂遊須記今年
身入畫中人來世外莫辭鎮日躋攀
行路不知難正瀑飛似練霧散如煙
收拾風雲遠峯相向一開顏 晴光
淡照山巔訝當前陵谷幻出奇觀不
信陸沈還疑海市目迷誰識真詮曾
次水天寬要乘風破浪覓箇三山看
到煙消日出意在翠微間

是景爲榮君得其攝贈黃山四海
此其一斑頌陀記




此異羅松也翠柏黃楊合體柔枝細葉姿態橫生折一枝以歸攝景存真俾名山靈秀



不與草木同腐云頤陀記

黃山多怪石此石豈平庸我有拔山力移來獅子峯居然雲一朵化作嶺千重陵谷任遷變巍巍不改容



此石得於獅林精舍爲某警長所贈與頤陀題并記

黃山遊記附詩



客有語余黃山之勝者余信之而未篤也丁丑三月附友聲旅行團遊黃山而後知客所語黃山之勝猶不逮什一也昔人謂黃山歸來不看嶽其信然矣黃山之遊往返共五日有半初七日下午赴杭州初八日由杭州出發飯於歙縣止於黃山旅社浴於湯池池不分男女惟禁同浴設備視南北湯山爲簡旅社前臨桃花溪溪水潺湲晝夜不息食宿亦能如客意初九日乘輿入山輿人笑語曰奇松怪石天下少到了黃山看不了余以

此言爲先路之導矣崖壁有瀑先合後分如人字名入字瀑過此至慈光寺寺在硃砂峯下可仰望天都峯殿已燬旁有千人鍋遺蹟想見當年僧侶之衆香火之盛小憩於半山寺寺前羣峯拱立峯各有名不可殫述雲氣上升如飛絮日光微露玉蘭杜鵑紅白相間紫藤倒掛尤綽約有風致過天都峯下有賈勇登者余以足力不勝而止經小心坡蒲團石臥龍洞渡仙橋小一綫天羅漢洞而達文殊院院外有松曰迎客幹不高枝橫生如伸臂姿態奇古時方午登文殊臺但見前海白雲平

鋪風起作波動有時微露峯頂如海上島嶼而雲際橫
嶺疑是孤舟破浪行意中雲海於目中遇之觀止矣寺
僧云有客來宿歷四日無所見悵然而返今得此奇觀
者昨雨今晴積雲未散可遇而不可求也飯後同遊者
多半上天都峯隔雲海觀之隱約可辨笠屐余與陸君
輔仁陳君品三支筇登立雪臺所見後海狀態與前海
略同始信黃山雲爲三奇之一雲海惟有緣者方得一
見再見耳崖壁遊客多留題遂召匠人就送客松下一
巨石如鱗角者刻余三人姓氏於上以留紀念夕陽在

山海雲漸收遠近峯巒之隱者畢現諺云不到文殊院
不見黃山面今則真見黃山面矣晚飯後早睡夜半大
風忽起小樓震動如置身波濤間繼而聞雨聲天不做
美阻我清遊爲之掃興而文殊臺觀日出更成虛願早
飯後雲霧滿山風雨漸止輿人以爲遊程無阻遂行經
閻王壁蓮花溝而達蓮花峯下閻王壁者喻其險蓮花
峯者狀其貌也經閻王壁時但艱於步履攀躋而上險
處白雲補之左右俯視無所覩膽陡壯蓮花峯則以雲
蔽不欲登登者亦云只見雲也經百步雲梯穿鰲魚洞

上鰲魚峯登平天缸缸頂平坦介於前後海之間曰天
海過天海至半禪茅蓬小憩到獅林精舍日未午也飯
後至西海門巖壑重疊氣象萬千奇峯怪石棋布星羅
當門一山光四射作淺絳色立懸崖俯視心膽俱裂同
遊者燃爆竹下擲山鳴谷應亦遊戲中之別開生面者
聞西海多猿出則列隊行惜未之見意者聞爆竹聲疑
爲襲擊故藏於密乎既回精舍爲時尚早遂偕陳君登
始信峯途經散花塢有石如筆松生其尖名筆花石亦
曰夢筆生花旁有石起伏如筆架名筆架峯而後知天

之生物無奇不有坐峯頂四顧層巒疊嶂別有天地而
松石之奇尤覺引人入勝某君留題謂衡華台廬無此
鉅觀信定論也薄莫復偕陳陸二君登清涼臺臺上有
松幾株皆奇古惜破石松已枯低回久之回精舍與定
光僧閒話知僧自焦山寺來此支持通文墨擅交際口
占一律示之僧亦報以鉛筆畫一小幀筆致不俗微倦
八時卽睡是爲茲遊第四日第五日早起冒雨行經白
鵝峯丞相源達雲谷寺山石犖确草履步行雨後溪流
疾於潮湧輿人負之而過嵐翠撲人眉宇幾經跋涉未

感疲勞飯於雲谷寺寺僧出題名簿爲書鴻雪留緣四字題詩二首並署姓氏寺前有喬松一株曰異蘿黃楊翠柏合爲一體柔枝細葉姿態特殊折得一枝攜歸玩賞寺有名茶曰茅峯色香味俱美購少許以歸下午觀九龍瀑瀑作九折從山坡下瀉聲勢之壯與雁蕩大龍湫異曲同工黃山瀑布到處可見惟此尤偉大耳既抵黃山旅社仍浴湯池旅行團遊程定第六日遊天目山第七日由天目回杭州轉車回上海余等以黃山攬勝於願已足天目之遊俟諸異日遂決計先歸第六日黎

明卽起乘肩輿至湯口附公共汽車到杭州轉車回上海或以山遊遇風雨雲霧爲言不知黃山之妙妙在風雨雲霧變幻莫測山色之有無溪水之奔騰草木之潤澤氣候之轉換此情此景豈彼晴遊者所能夢想况黃山四海純由風雨雲霧醞釀而成乎是役也榮君得其導遊勤於指點照料周至極可感謝出發前選竹一枝製杖高可及肩得其爲刻黃山攬勝之杖六字黃山多險阻階層高而狹得力於此杖不少歸後添刻黃山歸來不看嶽七字以見余意之所嚮去歲遊雁蕩有紀遊

詩今茲作遊記附詩若干首匪敢爲山林生色不過卽景生情自遣吟興而已時間關係黃山之大窺豹一斑所遊者僅此所記者亦僅此記遊旣竟客受而讀之曰名山大川盡人可到時間經濟所費無多子胡以天下之公爲獨得之奇也余曰不然精力已退逡巡畏縮無勇氣者不可遊黃山虛慕登臨之勝不知山水之樂者不必遊黃山黃山爲人間之仙境極天下之大觀有仙骨者遊之若夫湖山之美園林之勝到處皆有固不必僕僕風塵自討苦喫於深山窮谷中也客唯唯而退三

十六峯歸客無錫孫頌陀記

附詩

黃山旅社口占用許靜老再遊黃山韻

春山積雨氣如秋客到仙鄉何所求
徹夜奔流喧短夢凌晨策杖作清遊
巖花含笑開先路嵐翠迎人欲上樓
底事行程太匆促此行祇許一宵留
文殊臺觀雲海

浮生未許老仙鄉是處勾留興欲狂
天幻奇觀酬笠屐人來勝境悟滄桑
豈真波浪生平地始信煙雲擁上方

獨立危崖一長嘯青山隱隱海茫茫

立雪臺遠眺

是海是雲兩不分蒼茫一氣化氤氲有時蓬島水邊湧
何處松濤天半聞峯似錐尖疑礙日壑如釜底慣蒸雲
留題姓字無人識祇伴山中猿鶴羣

宿獅林精舍有賦示定光上人

去年攬勝靈巖寺今歲談禪獅子林前路何曾知險阻
暢遊不用問晴陰雨餘花發含生意風過鳥頻送好音
北固金焦尙塵世潛修那及此幽深定光新自焦山來

西海門

山中積雨煙霧昏乘興直上西海門西海更比他海尊
勝概與君子細論峯高直欲通九閭俯視能驚遊客魂
極目西天氣吐吞萬頃茫然雪浪翻怪石之狀不可言
或如虎踞或獅蹲或如駿馬向前奔九鼎在上孰與捫
萬松不動白雲屯當門一山列屏藩晶瑩如見斧鑿痕
老樹危崖盤雲根木筆春深花正繁爆竹一擲驚羣猿
山鳴谷應聲喧喧壯觀如此絕乾坤倘許重遊力尙存
登始信峯

登高一覽真奇絕不信人間有此峯仙境遲來惟拜石
名山歸去莫看松眼前變態誰能識絃外知音或可逢

峯頂有
翠臺
雲谷寺

遊興未闌天欲暮歸途無奈白雲封

來遊雲谷寺谷口白雲迷瀑瀉幾重嶂聲喧何處溪僧
閒知地僻峻極覺天低獨立古松下忘機鳥自啼

九龍瀑

大龍湫小龍湫觀瀑曾爲雁蕩游今歲來觀九龍瀑偉
大雄壯莫與儔疾於奔濤白於練一瀑九折萬古流况

當積雨衆水合聲勢浩蕩震九州山靈有心慰跋涉特
闢奇境豁我眸倏忽青峯鎖煙霧山雨欲來不可留他
年倘踐重來約何當策杖尋源頭

黃山雜詠

小樓一夜撼天風如在波濤萬頃中重到文殊臺上望

茫茫不辨海西東文殊臺曉望

躑躅蓮花峯下過迴環一徑似旋螺山行不覺天梯險

爲有白雲脚底多過閭王壁

落落古松存幾株問渠何事判榮枯熱中儘有趨炎客

到得清涼境界無清涼臺觀古松

聽風聽雨莫連朝霧裏看山興更饒行到峯頭回首望
籃輿冉冉入雲霄山行書所見

歷覽峯巒烟雨中敢誇腰脚與人同天然一幅米家畫
觀瀑應添笠屐翁過丞相源

源頭雨過瀉狂瀾始信中流立足難賴是輿人能解事
辛勤負我祝平安溪流甚急輿人負之而過

是處喬松號異蘿柔枝細葉態婆娑一枝折得出山去
不比尋常小草多雲谷寺折異蘿松一枝以歸

知是山行是海行逡巡到處聽溪聲祇憐霖雨人間少
城郭依稀早放晴山行卽事

怪石奇松四面排俊遊真箇暢吟懷分明見得仙人榜
不是人間沒字碑崖壁有仙人榜三字

老夫無力可移山看徧烟雲獨自還壓我歸裝何所有
祇攜拳石到塵寰於獅林精舍得拳石

又來倚枕聽溪聲撥動歸心夢不成休羨他人遊五嶽
黃山到過不虛生再宿黃山旅社枕上口占

推窗遙望嶺雲開破曉山行第幾回祇嫌猶爲塵事累

溪聲送我出山來
黃山旅社曉發

黃山遊記附詩

九

簫心劍氣樓



古籍电子书

欢迎您的光顾

网址: <http://www.xy980.net>

QQ:77815100 电话:15879335110

联系制作: 古籍电子书工作室